

Ex/BANGLA/UG/6.3/75/2019

কলাস্নাতক অন্ত্য-সিমেস্টার পরীক্ষা, ২০১৯

(তৃতীয় বর্ষ, ষষ্ঠ সিমেস্টার)

সাম্মানিক বাংলা

বিশ শতকের বাংলা গল্প ও অন্যান্য গদ্য

কোর্স : ইউ.জি. - ৬.৩

সময় : দু ঘণ্টা

পূর্ণমান : ৩০

যে কোনো তিনটি প্রশ্নের উত্তর দাও।

১. “তালনবমী” গল্পে আগাগোড়া ফুটে রয়েছে একটি শিশুর চোখ। গল্প ফুরোলেও জেগে থাকে তারই বিস্মিত ও ব্যথিত হৃদয়। বিভূতিভূষণের “তালনবমী” নিয়ে এই মন্তব্যে তুমি কি সহমত? যুক্তিসহ লেখো। ১০

অথবা

২. বিশ্বাসঘাতকতার একটি বিচ্ছিন্ন মুহূর্ত জন্ম দিয়েছে জেদি সম্মিলিত প্রতিরোধের। ‘হারানের নাতজামাই’ গল্পে মানিক বন্দ্যোপাধ্যায় কীভাবে ধাপে ধাপে এই প্রতিরোধের আখ্যান তৈরি করেছেন সংক্ষেপে আলোচনা করো। ১০

৩. ‘পয়ামুখম্’ কি কেবল একটি পণপ্রথাবিরোধী ছোটগল্প? নাকি একে তুমি একটি ‘হিংসার আখ্যান’ হিসেবে পড়তে চাও? যুক্তিসহ নিজের মতামত দাও। ১০

অথবা

৪. মধ্যবিত্ত পরেশবাবুর পরশপাথর প্রাপ্তি, সেই পাথর দিয়ে লোহাকে সোনা করে প্রভূত বিষয় সম্পত্তির অধিকারী হওয়া ও শেষকালে ঐশ্বর্যের প্রতি

(Turn over)

(2)

অনীহা একথাই প্রমাণ করে যে, পরম প্রার্থিত কাম্যবস্তুও কখনও কখনও
বিতৃষ্ণা উৎপন্ন করে। – তুমি কি গল্পটির এই পাঠ মেনে নিচ্ছ? যুক্তিসহ
উত্তর দাও। ১০

৫. আর্থ-সামাজিক পরিস্থিতি সজ্ঞান ও মায়ের চিরন্তন ভালোবাসার সম্পর্কতে
কতটা প্রভাব বিস্তার করতে পারে, ‘মা-জননী’র কাহিনি বিশ্লেষণের
মাধ্যমে তা আলোচনা করো। ১০

অথবা

৬. তথাকথিত আদর্শবাদ কীভাবে মানুষের সুখ-আহ্লাদের পাশাপাশি
জীবনকেও শেষ করে দিতে পারে তার উদাহরণ স্বরূপ সৈয়দ মুজতবা
আলী কর্নেল ডুটেনহফারের জীবনকে পাঠকের সামনে কীভাবে হাজির
করেন আলোচনা করো। ১০

৭. “পণ্ডিত থেকে অপণ্ডিত সবাই জানে সুন্দর আছে, কিন্তু...কেমনটি সুন্দর
কেমনটি নয় এর মীমাংসা হল না আজও।” ...‘সুন্দর’ প্রবন্ধে ‘সুন্দর’
সম্পর্কে প্রাবন্ধিক অবনীন্দ্রনাথ ঠাকুরের এই মন্তব্য কি অমীমাংসিত থেকে
গেছে? – তোমার প্রবন্ধ পাঠের অভিজ্ঞতা থেকে লেখো।

৮. “চণ্ডীদাসাদি বৈষ্ণব কবিগণ রাধাকৃষ্ণের প্রেম বাক্যের বিষয় না করিলে
জয়দেব আমাদের যতটা ভালো লাগে তাহা অপেক্ষা অনেক কম ভালো
লাগিত।” – জয়দেবের গীতগোবিন্দ সম্পর্কে প্রথম চৌধুরীর এই মন্তব্যের
পাশে আমাদের মনে পড়ে বলেদ্রনাথ ঠাকুরের মন্তব্য – “গীতগোবিন্দে
গীত থাকিতে পারে, কিন্তু গোবিন্দ আছেন কিনা, আমাদের সম্পূর্ণ সন্দেহ
আছে” – রাধাকৃষ্ণ বিষয়ক একটি জনপ্রিয় কাব্য সম্পর্কে দুজন প্রাবন্ধিকের
এরকম মনে হওয়ার কারণ কী? যুক্তিসহ লেখো।